

四庫全書

史部

欽定四庫全書

史部

欽定八旗通志卷

五十二至五十二

欽定四庫全書

欽定八旗通志卷五十一

職官志十

開列

大學士尚書

雍正五年奉

旨凡補授大學士尚書時應否令其在議政處行走具奏  
請旨欽此

乾隆五十六年奉

上諭國初以來設立議政王大臣彼時因有議政是以特派王大臣承充辦理自雍正年間設立軍機處之後皆係軍機大臣每日召對承旨遵辦而滿洲大學士尚書向例俱兼議政虛銜無應辦之事殊屬有名無實朕向來辦事祇崇實政所有議政空銜着不必兼充嗣後該部亦毋庸奏請欽此

四五品京堂

雍正六年議准通政使司副使大理寺太常寺太僕寺少卿鴻臚寺卿等缺均不分滿洲蒙古通行論俸開列陞補其郎中應陞各缺除內閣侍讀學士仍按滿洲蒙古補用

乾隆三年議准滿洲蒙古科道均准內陞外轉遇有京堂員缺先將內陞科道開列具題補用一人再有缺除科道毋庸開列外將俸深郎中論俸開列四人引

見候

旨簡用其出差外任者不行開列如內陞科道無人仍將俸深郎中論俸陞補科道不准通行論俸

四年奏准內閣滿洲漢字侍讀學士員缺將漢字出身之郎中等官論俸擬出十人送內閣考取擬定正陪交部與各項記名議叙人員一同開列引見補授其內閣清字侍讀學士二員將應陞各官論俸擬正陪陞補

五年奏准凡降級補四品京堂人員遇有缺如值

內陞班次即以奉

旨降級日期與奉

旨內陞日期論先後一同開列如值俸深班次將降級  
應補人員列名在俸深應陞人員之前一同引

見若奉

旨將降級之人補授無論內陞俸深班次均不積算如

上如

次用內陞則下次仍  
用俸深不算過班

其通政使左叅議光祿寺鴻

臚寺少卿員缺將應陞之滿員外郎等官除出差外任不行開列外論俸開列四人引

見如有降級應補人員列名在俸深應陞人員之前一

同引

見候

旨簡用

又奏准奉

旨記名各官如由科道記名者遇有應陞與內陞之科



道論奉

旨日期先後開列具題由郎中等官記名者開列在俸  
深郎中之前將記名之處聲明一同引

見候

旨簡用補授後各按本班照例積算

又奏准議叙應陞四品京堂之科道郎中等官均  
論其議叙奉

旨日期先後遇有員缺入於俸深郎中等官開列四人

之末依次引

見候

旨簡用若遇內閣侍讀學士員缺如係清字之缺其應陞人員無論清漢字樣均行開列如係漢字之缺其議叙人員察其漢字出身者仍照例開列其由清字出身者停其開列

乾隆五十五年六月欽奉

諭旨科道內陞外轉之例停止

乾隆五十六年正月奏准通政使司副使大理寺少卿由四品京堂開列太常寺少卿鴻臚寺卿由內閣侍讀學士五品京堂欽天監監正及科道贊禮郎鳴贊叅領引

見補授太僕寺少卿由內閣侍讀學士五品京堂科道叅領開列又通政使司叅議光祿寺少卿鴻臚寺少卿由五品京堂及科道開列具題又內閣侍讀學士由科道與郎中分班引

見補授

乾隆五十五年議准內閣侍讀學士滿員四缺由五品京堂及科道各保一員帶領引

見一次由部院堂官於郎中內擇其實係辦事出力者各保送一員按依部分帶領引

見一次

翰詹官員

順治初年定翰林院侍讀學士員缺由侍講學士

轉侍讀員缺由侍講轉詹事府左庶子員缺由右庶子轉左中允由右中允轉左贊善由右贊善各轉補

雍正四年議准侍講學士侍講詹事府少詹事右庶子洗馬右中允等員缺將應陞之翰詹官員與科甲出身之部屬應陞官員分班簡用均論俸擬正陪引

見請

旨如部屬無科目出身人員即將翰詹官員陞補

十二年奉

旨滿洲贊善員缺將俸深之小京官筆帖式各一人引見  
請旨著為定例欽此

乾隆七年議准翰詹員缺凡開復降補人員亦列  
名於應陞官之前一同引

見補用

十三年奏准嗣後於六部滿員外郎內每部酌定

一人作為科甲人員陞轉之階遇有員缺將科甲出身之主事等官陞用俾翰詹衙門陞轉時不致乏人

又奏准內閣侍讀學士翰林院侍講學士侍講詹事府少詹事庶子洗馬員缺其論俸應陞擬正人員遇有出差者或將論俸擬正之人補授或將其次論俸應陞之人別擬正陪引

見補授之處皆行奏

聞候

旨遵行

十六年具奏見出有侍講一缺上次已用部員此次應用翰詹但應陞編檢班內止有檢討一人既不便即將該員指補亦不便因無擬陪之人將該員扣除別將部屬人員陞用相應請

旨可否將此一人擬正將科甲部屬人員論俸擬陪一并引



見之處恭候

欽定奉

旨擬陪人員一并引

見

五十六年奏准少詹事專以學士陞任學士專以  
侍讀侍講洗馬司業陞任將外班揀選之處查銷  
中允贊善免其試俸又內班無人由外班抵補俟  
內班有人時按次歸還

翰詹兼理部務

乾隆元年議准翰林院侍讀學士侍講學士詹事府少詹事庶子等員缺由科道郎中等官陞補者均不令兼管部院事務其員缺別行銓選由員外郎等官陞補翰林院侍讀侍講詹事府洗馬主事等官陞補詹事府中允小京官陞補贊善如係熟練部務之人准各該堂官奏留辦事兼兩處行走其該堂官不行奏留者照例開缺

稽察宗室覺羅各學

乾隆二年議准宗室覺羅各學奏點滿漢文臣稽察由部行文各衙門咨取三四品科甲出身文臣學問淵博繙譯精通者開列職名奏請

欽點十二人兩翼宗學分點四人左翼四旗覺羅學分點四人右翼四旗覺羅學分點四人督率教習勤加訓迪仍同該管王公不時稽察如遇陞遷外任事故等項出缺由部別行開列具奏遴選

國子監司業

雍正六年奏准滿司業員缺傳齊應陞各官交九  
卿遴選四五人由部引

見恭候

簡用

七年議准蒙古司業員缺由部傳齊各部院蒙古  
郎中員外郎會同理藩院遴選能繙譯蒙古文藝  
通曉清文蒙古字語者四五人由部引

見恭候

簡用

科道

雍正五年遵

旨議准稽察宗人府御史二人由宗人府於宗室內簡

選引

見補授仍屬都察院統轄

十二年議准滿給事中員缺由部行文都察院咨

取前任宗室滿洲蒙古監察御史通行引

見轉補再蒙古御史二缺每遇轉科時將所遺之缺歸  
於滿洲陞補俟蒙古科員缺出之後如將滿御史  
轉補即以所出之缺歸於蒙古陞補統計蒙古科  
道二缺

十三年議准滿洲蒙古御史員缺行文咨部令該  
堂官於郎中員外郎等官內保送引

見候

旨簡用

乾隆三年奏准將應行考選之各部院郎中員外

郎通行引

見其奉

旨記名者遇有御史員缺將奉

旨記名之郎中員外郎各論俸次郎中二人員外郎一

人引

見補授

八年覆准宗室御史遇滿洲御史內陞時准其一  
同開列各科給事中員缺亦准其與滿洲御史通  
行引

見如將宗室御史轉補科員所遺宗室御史員缺自應  
別行補授但宗室御史原奉

特旨設立二人令其專察宗人府事件既不便額外增  
設又不便令滿洲御史稽察請嗣後如宗室御史  
轉補科員後所遺宗室員缺將滿洲人員補授其



稽察宗人府事件即令轉補之宗室科員與現任宗室御史一同稽察至宗室科員陞轉滿洲御史轉補之後再將宗室御史員缺照例補授

四十六年復添稽察宗人府監察御史二員俱交與宗人府於宗室內揀選引

見補授令都察院統轄

又議准滿洲蒙古監察御史其各衙門司員補授之後俱不准奏留仍兼行走惟刑部有諳悉律例

理藩院能習蒙古文語之員奏請留部者亦必帶領引

見應否准其仍留行走之處恭候

欽定

戶部庫官調補

乾隆三年奏准戶部三庫郎中員外郎員缺由該堂官行文各部院於郎中員外郎內遴選潔已奉公辦事勤慎之人保送該庫堂官引

見調補三年期滿照例更代

五年奏准戶部三庫年滿官員即以各衙門調補所遺之缺轉補其有品級不相當者以原銜暫行轉補俟在京有對品員缺不論雙單月由部即行具題坐補將所遺之缺再行開選

九年奏准三庫掌籍主事一人三年期滿應照郎中員外郎之例於各部院滿主事內遴選調補仍於三年期滿照例更代

又奏准司庫職司出納稽覈盤驗大使亦有監收  
錢糧呈報批文之責請均一例令三年更代三庫  
司庫等五人於各部院衙門正七品從七品小京  
官遴選保送調補俟調庫後各准其仍以原銜辦  
理司庫事務其由三庫更代之司庫等亦各以原  
銜辦理所代官員事務均令仍食各本身原俸統  
竝有缺時由部各按缺底詮選三庫大使四員於  
各部院衙門現任滿洲筆帖式內遴選更代遇員

缺行文各部院衙門各保送一人由該庫堂官每  
一缺遴選二人引

見調補其各部院衙門調補之筆帖式准其以筆帖式  
辦理大使事務由三庫更代之大使等亦各以原  
銜在所代筆帖式上行走均令仍食各本身原俸  
統俟有缺時由部仍各按缺底按旗補用

十四年奏准三庫員外郎員缺內閣侍讀亦准一  
同遴選引

見如蒙

恩准調補三庫即將該員授為員外郎其更代之員外郎交部即用

工部庫官調補

康熙十年題准工部節慎庫郎中員外郎員缺由工部郎中員外郎選擇調補製造庫員外郎員缺由部照例陞選

乾隆十八年

諭工部製造庫郎中員缺緊要向例由吏部將六部俸深郎中擬定正陪引見多係年老平常之員往往不得其人嗣後遇有員缺著工部堂官於本部司官內遴選保題引見補用欽此

步軍統領衙門員外郎等官

雍正十二年奏准步軍統領衙門員外郎員缺各部院將主事等官保送該衙門遴選通曉清漢文移熟悉刑名者補授主事員缺即於該衙門司務

筆帖式內遴選補授均由該統領帶領引

見司務員缺由該統領於筆帖式內遴選咨部題補

各部院堂主事

康熙十五年題准

起居注衙門滿堂主事六部理藩院漢軍堂主事員

缺令各部院衙門將熟習繙譯之應陞主事人員

出具考語保送過部會同本部堂官遴選正陪由

部引



見補授

內閣侍讀

康熙十六年題准滿洲蒙古漢軍侍讀員缺由內閣於中書內每缺遴選二人擬定正陪出具考語

咨部引

見補授

內閣中書

雍正二年覆准滿中書員缺由內閣於貼寫中書

內按旗每缺遴選二人擬定正陪咨部引

見補授

乾隆五年議准貼寫中書補用五人外遇有宜用各項舉人出身之筆帖式應令內閣會同本部將此項人員與貼寫中書一同考試繙譯擇其佳者引

見補授

十三年奏准滿洲中書共七十人酌定每旗各七

人共五十六人其餘十四人定為八旗公額

十五年奏准嗣後八旗額設滿中書五十六人歸貼寫中書按旗分遴選擬定正陪引

見補授外其餘公額滿本房七人漢本房七人共十四人改為考取班次挨旗輪補俟有員缺行文該旗將閑散文舉人繙譯舉人咨部移送內閣與該旗貼寫中書會同考試每缺考取二人擬定正陪引見補授

蒙古中書

乾隆五年議准遇員缺由部將應用之現任蒙古  
筆帖式並文舉人出身之筆帖式及閑散之文舉  
人不論旗分一同移送內閣考試繙譯擬定正陪  
引

見補授補用五人後將降調人員免其考試補用一人

如降至從六品者以原銜  
借補中書仍支原俸陞轉其由理藩院等衙門筆

帖式考取者以理藩院等衙門陞用由六部等衙

門筆帖式考取者以六部等衙門陞用再唐古忒中書員缺由唐古忒學出身之筆帖式陞用

九年議准內閣新設蒙古貼寫中書六人應照滿洲貼寫中書之例分班間用嗣後遇有蒙古中書員缺先將蒙古貼寫中書論俸擬用一人次將蒙古各項人員考補一人均分班間用

### 漢軍中書

乾隆五年議准遇有員缺由部將應用之現任漢

軍筆帖式及閑散舉人不論旗分一同移咨內閣  
遴選考試擬定正陪引

見補授

掌關防郎中

乾隆元年奏准

孝陵奉祀掌關防郎中員缺由部行文各部院於郎中內  
將老成謹慎之人各遴選一人出具考語保送過  
部與

陵寢各郎中一同較俸擬定正陪引

見恭候

欽定

盛京

三陵掌關防等官

乾隆十九年覆准

三陵掌關防官員缺將

三陵尚茶正尚膳正內管領一并遴選題補

三陵尚茶正尚膳正內管領員缺將

三陵副管領一并遴選題補至副管領員缺於本

陵尚茶尚膳香燈執事人內遴選題補

理藩院主事

康熙十五年題准理藩院滿洲蒙古堂主事員缺

由理藩院將應陞之小京官筆帖式等每缺遴選

二人擬定正陪出具考語咨部引

見補授



領侍衛府主事

康熙二十七年覆准遇有員缺由該府將應陞人

員擬定正陪引

見補授

國子監滿洲助教

乾隆十五年議准由吏部將應陞應用人員傳齊

奏請

欽點大臣考試擇文錄取交與吏部帶領引

見請

旨記名遇有缺出俟考取名次題補

盛京禮部助教

乾隆八年議准

盛京禮部助教四人遇有員缺

盛京禮部會同

盛京兵部於

盛京各部等處筆帖式及舉人貢生副榜考試咨部

引

見補授

唐古忒學蒙古助教

乾隆五年議准由理藩院於應用人員內考選唐古忒字語好者擬定正陪引

見補授與理藩院衙門出身之人一同論俸以理藩院應用之職陞用

咸安宮教習

乾隆二十二年議准由禮部於各部院衙門現任筆帖式及舉貢生員並繙譯生員內如有精通繙譯者考試核取試卷進呈

欽定俟有缺出按名補用現任之員仍食原俸毋庸開缺三年期滿該管官分別等第帶領引

見後行文吏部照各學教習之例銓補

國子監蒙古助教

雍正二年議准於理藩院及修書處筆帖式國子

監閑散巴克什內令該監會同理藩院遴選滿洲  
蒙古字語好者擬定正陪引

見補授

寧古塔助教

雍正二年議准寧古塔助教二人由該將軍於本  
處八九品及未入流筆帖式內擬定正陪咨部引  
見補授六年任滿該將軍出具考語具題到部由八品  
筆帖式補授者以京城主事等官用由九品筆帖

式補授者以京城正從七品小京官用均歸於雙月推陞五人之後與

盛京等處倉官較年滿文書到部先後陞用一人

謹按吉林所屬助教二員例六年任滿後經奏准照黑龍江倉站等官之例均改為四年之限年滿後仍照舊例分別陞用

司庫遴選

乾隆五年奏准理藩院太常寺司庫員缺令各部

院衙門各遴選俸深筆帖式一人出具考語保送  
過部由部再行遴選每一缺以二三人引

見恭候

欽定

贊禮郎等官

乾隆二年議准太常寺暨

陵寢讀祝官贊禮郎鴻臚寺鳴贊員缺由八旗驍騎校護

軍校護軍各部院筆帖式庫使及舉人副榜貢生

令該寺堂官遴選聲音宏亮唱贊好者引

見補授由護軍校驍騎校補授者仍授為六品由筆帖式等補授者均授為七品均准用六品頂帶

乾隆二十年奉

旨嗣後簡選贊禮郎著將東三省之新滿洲烏喇齊一并簡選

二十一年奏准嗣後贊禮郎員缺無論文武官員兵丁執事人生員官學生均准其簡選引



見補授如係文武官員仍令於原任行走

盛京禮部讀祝官贊禮郎

雍正三年題准由部選取應用人員咨送太常寺  
與在京應陞人員一同唱贊遴選好者引

見補授

寶泉寶源二局大使

雍正七年奏准戶部寶泉局大使由戶部堂官於  
該部筆帖式內遴選補授工部寶源局大使由工

部會同戶部於工部筆帖式內遴選補授均咨部  
注册五年期滿保題咨部陞用

盛京三部司庫

乾隆三年議准

盛京戶部刑部工部司庫員缺由在京部院衙門各  
遴選筆帖式一人保送過部論俸擬定正陪引

見補授各三年任滿堂官覈明該員任內經手錢糧出  
具考語咨部以在京司庫並司庫對品小京官員

缺調補如三年任內遇有應陞時以陞銜留任仍以陞銜較俸陞轉所遺司庫員缺別行遴選

刑部司獄

乾隆六年議准刑部司獄四人由該部堂官於該部筆帖式遴選補授其筆帖式員缺不必開列移咨到部注冊三年期滿仍令回筆帖式原任保送過部候陞

刑部提牢官

雍正十一年議准刑部提牢官由該部堂官於額  
外及試俸主事內選委管理一年果能稽察防範  
勤敏無過俟期滿後該堂官出具考語咨送到部  
額外者題請實授試俸者准作實俸

內務府官

乾隆元年議准遇有員缺仍由內務府將應陞人  
員擬定正陪引

見補授其堂郎中一人總理六庫郎中二人補授後咨

送過部於應陞之處一例列名陞用

欽天監官

康熙二十年題准滿洲五官正以下漢軍秋官正  
以下均由欽天監將應陞人員擬定正陪出具考  
語咨部引

見補授

雍正十二年奉

旨嗣後欽天監陞用人員擬正者照常論俸擬陪者於各

員內遴選一併引見不必論俸

考選蒙古五官正

雍正六年議准欽天監蒙古五官正員缺由理藩院於內閣中書各衙門筆帖式考選擬定正陪送部引

見補授由理藩院等衙門出身者以理藩院應陞之官陞用由六部出身者以六部應陞之官陞用

太僕寺主簿

雍正二年奏准由該衙門筆帖式內遴選正陪出  
具考語咨部引

見補授

王府官員缺

順治初年定由該王府咨送補授註冊

五旗司弓員缺

順治初年定由該旗咨送補授註冊

盛京刑部蒙古主事

乾隆十四年奏准由各部院蒙古小京官筆帖式  
內遴選能辦事者引

見授為主事銜三年無過該部保題到部准其實授三  
年期滿准其調補在京各部院主事

盛京將軍等衙門主事

乾隆二年議准

盛京將軍衙門掌案主事一員照

盛京五部主事例陞轉吉林將軍衙門掌案主事一



員理刑司主事一員由在京六部堂官各遴選筆  
帖式一人保送過部引

見補授均不准調補京職其黑龍江將軍衙門掌案主  
事一人由該將軍將本處應陞人員擬定正陪咨  
部引

見補授

三年議准黑龍江將軍衙門增設理刑司主事一  
人銀庫主事一人其員缺亦照吉林主事之例於

六部筆帖式內遴選保送引

見候

旨補用

十六年奏准

盛京將軍衙門主事止有一員應歸於本處小京官

內較俸陞用

管理八旗游牧察哈爾員外郎陞轉

雍正十一年議准由京補授之八旗游牧員外郎

每旗二人共十六人由京補員缺交與理藩院於授八人由該總管補授八人

部院本旗蒙古主事小京官中書筆帖式內遴選滿洲蒙古文理好能辦事者咨部引

見補授由主事補授者即授為員外郎各論俸陞轉由小京官中書筆帖式補授者授為主事由本處總管補授之八旗游牧員外郎員缺令該總管於本處散秩官筆帖式及驍騎校護軍校內遴選人去得者保送理藩院引

見補授如保送之人平常將京城本旗通曉滿洲蒙古  
字語之護軍校驍騎校護軍內遴選辦事去得者  
亦由理藩院引

見補授均於本處以佐領陞轉不准調京

乾隆二年議准由京補授游牧員外郎八人其由  
小京官中書筆帖式授為主事者三年無過該總  
管保題實授員外郎在員外郎任五年期滿令該  
總管出具考語咨部註冊其由六部出身之人仍

族六部蒙古員外郎員缺無論保題陞選補用二人後將年滿游牧員外郎論俸咨取一人調補由理藩院等衙門出身之人亦族理藩院等衙門蒙古員外郎員缺無論保題陞選補用二人後將年滿游牧員外郎論俸咨取一人調補如五年內遇有應陞以陞銜留任仍以陞銜較俸陞轉

驛站各官

雍正十二年議准

盛京五路驛站正副監督各一員由

盛京五部堂官於郎中員外郎主事內公同遴選人  
明白能管理者各一人出具考語題請實授管理

三年令

盛京戶部兵部會同稽察驛站副都統察明該員果  
能整飭驛務錢糧不致浮冒保題到日由兵部移  
送到部照例議叙如有浮冒錢糧廢弛驛務等事  
題叅治罪

乾隆四年奏准驛站正副監督二人請照關口官之例三年內如遇論俸應陞時以陞銜留任仍以陞銜較俸陞轉

又奏准張家口喜峯口獨石口殺虎口古北口管站員外郎員缺由理藩院於該院員外郎內遴選  
引

見差往管理三年期滿照例更代所遺更代員缺不行開選即將換回之人頂補

又議准寧古塔驛站官二員由該將軍於本處倉官筆帖式內每一缺遴選二人擬定正陪出具考語咨部引

見由倉官八品筆帖式補用者授為七品由未入流筆帖式補授者授為八品六年任滿該將軍出具考語咨部註冊七品官以京城主事等員缺陞選八人後陞用一人八品官以京城正從七品小京官員缺陞選六人之後陞用一人至黑龍江驛站官



員缺由該將軍於本處應陞之官遴選正陪咨部

引

見補授

邊地同知通判

雍正十一年奏准理事同知有管理民人辦理刑  
名之責必得通曉漢文律例之人方能勝任應令  
各部理藩院將滿洲蒙古員外郎主事內通曉漢  
文人明白者遴選引

見補授

乾隆四年議准各部院衙門遇有保送理事同知  
通判之時將京察一等合例人員內保送倘此等  
人員內如有服制未滿現患疾病及實有不能離  
京情節並通曉部務而不宜於外任者均令該堂  
官將不便保送情由逐一聲明過部別行遴選合  
例人員保送

五年議准各邊地理事同知員缺除員外郎不行

補用外由部行文內閣並部院衙門於滿洲蒙古  
內京察一等之主事小京官筆帖式遴選通漢文  
曉蒙古語賢能之人保送過部會同理藩院並各  
部院遴選考試漢文及蒙古字語務期循名責實  
分別去取引

見補授其邊地理事通判員缺除主事不行陞用外止  
將小京官筆帖式一例考試註冊補用

威遠堡等關口守口官

雍正十一年議准威遠堡等六關口各設守口官

一人

盛京兵部會同

盛京將軍於五部員外郎主事小京官內每一缺遴

選二人擬定正陪咨部引

見補授二年期滿仍令

盛京兵部會同

盛京將軍察明該員果能黽勉効力者保題到日由

部按該員原銜議叙如尋常供職者即咨回部以應得之官補用如有怠忽廢弛等事即行題叅若二年內遇有應陞以陞銜留任即以陞銜較俸

乾隆八年議准六關口守口官以原銜管理關口事務其本任員缺毋庸別行開選二年期滿各回原任其有黽勉効力保題議叙者仍照舊例保題議叙如係在京人員補授者年滿之日仍照舊例調補京官其未經調補之先業經任滿者仍回原

衙門辦事遇有在京員缺由部照例調補

盛京銀庫各官

雍正元年議准

盛京戶部銀庫掌關防監督一員由在京部院堂官

遴選郎中出具考語咨部引

見恭候

欽點管理三年期滿更代

乾隆三年議准

盛京戶部銀庫增設員外郎一人於該部司分員外郎內遴選一人管理庫務三年期滿照例調京仍於司分員外郎內遴選調補所遺司分員外郎缺再行咨部銓補

壇廟守衛官

順治初年定凡守衛

天壇

地壇

社稷壇

太廟

堂子

皇史宬官並朝鮮通事員缺由禮部及該旗開送正

陪移咨過部五品以上引

見補授六品以下本部堂官驗看補授

盛京工部司匠

康熙二年題准司匠員缺由



盛京五部暨在

京各部院衙門九品筆帖式令堂官各遴選一人保  
送過部列名引

見補授如有奉

旨記名者由部註冊知照該部遇司匠缺挨次補授

奉天等處倉官

原例奉天黑龍江寧古塔等處各倉倉官員缺由將  
軍副都統五部堂官於各本處八九品未入流筆帖

式內每一缺遴選二人擬定正陪出具考語咨部引見補授

乾隆五年議准黑龍江等處倉官伊等均係本處生長之人其有無力搬移不能來京情願守候本處武職員缺者與豫行保舉之領催等一并咨送兵部引

見俟奉

旨記名後遇本處驍騎校員缺令該將軍酌量與記名

之領催一併陞補

八年議准由筆帖式遴選補授倉官其筆帖式原缺不必開選三年任滿如居官好堂官保題到部歸於單月遇有本處應陞之主事將本處人員陞用三人後陞用一人其筆帖式原缺即行開選若係尋常之人出具考語咨部註冊仍回筆帖式原任以在京各項小京官員缺於雙月分推陞三人之後陞用一人

鳳凰城迎送官

乾隆五年奏准迎送官三員定為八旗公額遇員缺由禮部該旗咨部本部行文各旗將騎都尉以下驍騎校以上官員每旗遴選一人出具考語咨送過部由部驗看擬定正陪引見補授如以驍騎校補授授為五品

滿官掌印

順治十八年題准各部院衙門堂司悉令滿官掌

印六科及京畿道河南道掌印由都察院題請

欽點其餘各道以現任資深者轉補各部院屬司由各該堂官遴委郎中掌印若郎中有事故則遴委員外郎掌印陞補

武職世爵各官兼理部院

順治年間定由郎中員外郎官補授叅領佐領者均兼部院行走其由員外郎等官補授叅領由主事等官補授佐領者均解部院職任

康熙四十五年題准凡由叅領男爵輕車都尉補授郎中等官由副叅領侍衛騎都尉佐領補授員外郎等官雲騎尉補授主事護軍校驍騎校補授小京官均俟三年限滿遇有陞轉將武職食俸年分以上朝之日起通行較算如原係部院主事筆帖式授為侍衛佐領復用員外郎等官者陞轉時將前在部院之俸及現任之俸准其積算其在武職上行走之俸不必通理

雍正八年議准由郎中等官承襲輕車都尉由員外郎等官承襲騎都尉由主事等官承襲雲騎尉者均屬班聯相等應令兼理部院其世爵品大文職品小除奉

特旨兼理部務者不行開缺外餘均令世爵上行走所遺員缺即行銓補如果有才能出衆因世爵品大不行兼理者准該堂官具奏保留引

見恭候

欽定其循分供職者照例開缺不得奏請兼理倘有請托徇情等弊引

見時其人不勝保留或保留之後辦事不能妥協即將保奏之堂官嚴加議處

乾隆十三年奏准八旗世爵及武職官員改補文職者輕車都尉叅領以科道郎中用騎都尉副叅領佐領以員外郎用雲騎尉以主事用護軍校驍騎校等以七品小京官用其世爵均仍帶於本身



侍衛有奉

特旨以文職用者一等待衛係三品應以三品京堂用  
二等待衛係四品應以四品京堂用遇有員缺三  
品者開列於應陞人員之前四品者開列於俸深  
人員之前請

旨補授此內各員缺如有應用科甲以及考試擬正陪  
者仍照例不行開列至三等四等待衛係五品應  
將三等待衛以郎中用四等待衛以員外郎用藍

翎侍衛係六品應以主事用遇有員缺歸於月分  
照例補用

宗人府題補各官並出差

雍正二年議准宗室理事官由鎮國將軍輔國將  
軍副理官由奉恩將軍佐領經歷主事由廕生五  
六品官并考取一等閑散宗室均由宗人府擬定  
正陪引

見補授

乾隆二年奏准宗室理事官遇有郎中應陞員缺與旗員郎中一例較俸開列陞轉

三年議准宗人府理事官凡遇出差亦令該部行文宗人府將才能俸深者保舉一人咨送該部與各部院保送之旗員一同引

見候

旨簡用

內務府堂郎中等官陞轉

乾隆五年奏准內務府官員向由內務府陞轉其  
堂郎中總理六庫事務郎中等三缺經內務府奏  
准咨送過部以應陞之官列名應准其與部院官  
一例較俸陞轉此內有由漢軍郎中遴選調補者  
應令其以補授堂郎中等缺之日扣算食俸三年  
之後再行接算前任郎中之俸與漢郎中一例較  
俸陞轉若暫時差往外省本任不行開缺者仍照  
現任官例論俸陞轉其出差例有年限如鹽政關

差等項本任員缺內務府別補有人亦應准其論俸仍竢扣滿年限再行擬陞未經差滿之時如應陞道府准其以陞銜註冊俟差滿回京照依原陞補用其未經差滿之前如尚未陞用竢回京之時未經補用以前仍不准算俸得官之後或仍補堂郎中等缺或補授對品官方准一例較俸推陞

漢軍典籍陞轉

乾隆三年議准以推陞中書後准其與漢中書較

俸以主事同知兼掣與各項應陞人員一例推陞  
漢軍年滿大使陞轉

乾隆四年奏准戶部三庫及戶部寶泉局工部寶  
源局大使均由筆帖式補授五年期滿仍照原筆  
帖式品級以應陞之官用其由漢軍筆帖式補授  
大使年滿者歸於雙月如遇應陞京官班次與漢  
軍俸深人員分缺間用如遇應陞外官班次歸於  
即陞月分與在外各項即陞人員通較日期先後

補用其未入流筆帖式改為九品者陞轉之處仍照品級考所載以州同州判縣丞陞轉

京官降調候補

順治年間定京堂降官三品以上者悉照品級對品別官補用降從六品者不補光祿與署正以正七品用仍支六品俸與六品一例較俸陞轉降至正九品者以九品筆帖式用

滿官並無正九品故准補筆帖式 陞

正從八品之缺蒙古官員降至七品以上者准以

原銜借補中書降至八品以下者以原銜借補理藩院司務如有情願補筆帖式者准其具呈補用漢軍降至從八品者不補典籍因係中書陞補之官並無應補班次以筆帖式用帶餘級食俸仍陞八品官

外任旗員降補京官

乾隆十四年奏准各省理事同知通判遇有降調者悉照京官降調至滿洲蒙古知縣事同一例應均以京官降調嗣後凡降一級者即以七品筆帖



式改補降至八品者即以八品筆帖式改補降至九品者即以九品筆帖式改補

十五年奏准外任道府以下滿洲蒙古人員如由正印降調赴補者准其各按品級遇正印佐貳員缺均准降補如由佐貳官降調赴補者不准降補正印均以對品別官補用惟降至從六品以下除正七品之知縣一項由正印官降調者尚堪補用外其餘均係首領並無補用旗員之例考定例內

理事同知通判降調者原以京官補用但京官品大外官品小若降至外任無可補之缺槩以京官對品借補未免過優嗣後凡降至從六品以下者皆降一等以京官補用如降至從六品者以正七品之小京官借補降至正七品者以從七品之小京官借補降至從七品者以正八品補用但滿洲蒙古無正八品之小京官應均以從八品之小京官降補降至從八品以及正九品者均以九品筆

帖式補用不准仍帶原銜以上降調借補小京官人員有情願告降補用筆帖式者仍按品級准其以七八品筆帖式降補

開列出差監督

乾隆七年議准凡戶部開列大小各差監督於每年十月內行文過部咨取八旗應出大差官員按旗通行論俸每旗覈送五人應出小差官員較一任俸每旗亦覈送五人將職名開單叙明俸次移

送戶部開列

卓異理事同知通判等官陞轉

雍正十三年議奏歸化城等處同知通判及協理  
各官停其三年更代若遇才守出衆者題請陞擢  
不及者黜革供職勤謹者仍照原銜較俸推陞奉  
旨依議

乾隆五年奏准各省滿洲理事同知通判如有卓  
異之官經該督撫具題到部俟來京引

見奉

旨註冊後歸於每年二四六十月分除各項不積算人員及應選班次仍照例辦理外如遇應陞月分不論食俸深淺以應陞之官先儘陞用仍以陞班積算倘有俸次已深者仍准論俸推陞其卓異應陞之處銷去

欽定八旗通志卷五十一

欽定四庫全書

欽定八旗通志卷五十二

職官志十一

職制

補放領侍衛內大臣以下官員

領侍衛內大臣缺出由領侍衛內大臣將內大臣  
散秩大臣八旗滿洲蒙古都統前鋒統領護軍統  
領外省將軍職名開列具奏補放領侍衛內大臣

內如有出兵出差者將內大臣散秩大臣等職名  
進

呈恭候

欽點署事

內大臣缺出由領侍衛內大臣將散秩大臣職名

開列具奏補放

散秩大臣係奉

特旨補放



侍衛班領委署侍衛班領侍衛什長缺出俱於侍衛內揀選補放一等侍衛缺出於二等侍衛內揀選補放二等侍衛缺出於三等侍衛內揀選補放三等侍衛缺出於四等侍衛藍翎侍衛

上三旗雲騎尉以上世職前鋒校親軍校護軍校驍騎校下五旗擡入公中之雲騎尉以上世職前鋒校親軍校護軍校驍騎校等揀選補放至四等侍衛於藍翎侍衛內揀選好者補放仍入於藍翎侍

衛額數藍翎侍衛缺出於領侍衛內大臣衙門筆帖式恩騎尉各項拜唐阿閒散覺羅大臣子弟前鋒親軍護軍等揀選補放宗室侍衛缺出行文宗人府於所送宗室內揀選補放以上各缺俱由領侍衛內大臣揀選具奏補放

上駟院侍衛缺出除藍翎侍衛外領侍衛內大臣揀選散走侍衛出具考語咨送

上駟院由

上駟院帶領引

見補放

補放鑾儀衛官員

掌鑾儀衛事內大臣缺出由領侍衛內大臣將應  
行補放之領侍衛內大臣內大臣職名擬送兵部  
開列具題至滿洲鑾儀使冠軍使雲麾使治儀正  
整儀尉員缺由鑾儀衛具奏補放咨送兵部如滿  
鑾儀使缺出於滿冠軍使及一等侍衛內揀選補

放滿冠軍使缺出於滿雲麾使內揀選補放滿雲  
麾使缺出於滿治儀正內揀選補放滿治儀正缺  
出於滿整儀尉內揀選補放如本衛不得其人行  
文領侍衛內大臣咨取

門上三等侍衛挑補雲麾使藍翎侍衛挑補治儀正  
滿整儀尉缺出行文管理鷹狗粘竿三處拜唐阿  
之大臣揀選拜唐阿出具考語保送鑾儀衛揀選  
補放如無保送之拜唐阿仍於

上三旗世職官員內揀選補放

開列滿洲都統

滿洲都統缺出由本翼蒙古都統滿洲補授漢軍  
都統前鋒統領護軍統領步軍統領滿洲蒙古副  
都統滿洲補授漢軍副都統外省滿洲將軍都統  
副都統滿洲補授外省提督職名開列具題補授  
開列蒙古都統

蒙古都統缺出由本翼前鋒統領護軍統領步軍

統領滿洲蒙古副都統滿洲補授漢軍副都統外省滿洲將軍都統副都統滿洲補授外省提督職名開列具題補授

開列漢軍都統

漢軍都統缺出由本翼前鋒統領護軍統領步軍統領滿洲蒙古漢軍副都統外省漢軍將軍副都統漢軍補授外省提督職名開列具題補授

開列前鋒統領

前鋒統領缺出由本翼護軍統領滿洲蒙古副都統滿洲補授漢軍副都統職名開列具題補授

開列護軍統領

護軍統領缺出由本翼滿洲蒙古副都統滿洲補授漢軍副都統職名開列於前叅領等官開列十員於後其所開十員內先將隨同前鋒統領辦事之前鋒叅領隨同護軍統領辦事之護軍叅領不論俸次通行開列由前鋒叅領護軍叅領補放之

王府長史及前鋒叅領護軍叅領等通行較俸合  
隨同辦事之叅領共足十員開列具題補授

開列步軍統領

提督九門巡捕五營步軍統領缺出由滿洲蒙古  
副都統滿洲補授漢軍副都統步軍翼尉職名開  
列具題補授

開列滿洲蒙古漢軍副都統

滿洲副都統缺出由本翼蒙古副都統滿洲補放



漢軍副都統職名開列具題調補并將本翼滿洲  
侍郎按旗開列再將應陞蒙古副都統之本翼署  
理副都統及蒙古侍郎一等待衛軍政卓異人員  
開列在前次將本翼翼尉叅領等官每旗開列十  
員其所開十員內先將步軍翼尉前鋒營隨同辦  
事前鋒叅領火器營翼長營總護軍營隨同辦事  
護軍叅領健銳營翼長

圓明園營總隨同辦事護軍叅領嚮導處隨同辦事

前鋒叅領護軍叅領滿洲蒙古印房叅領內務府  
護軍統領不論俸次通行開列續將王府長史前  
鋒叅領護軍叅領驍騎叅領烏鎗護軍叅領察哈  
爾總管健銳營前鋒叅領

圓明園護軍叅領論俸開列每旗各足十員之數至  
滿洲蒙古補授外省總兵官按旗開列於後以上  
應開人員俱於本內開列另將本翼滿洲蒙古散  
秩大臣公侯伯子男冠軍使前鋒叅領護軍叅領

驍騎叅領烏鎗護軍叅領健銳營前鋒叅領

圓明園護軍叅領王府長史一等護衛按旗挨次通行繕摺隨本進

呈再將遵

旨引

見記名之應陞本旗副都統人員開單進

呈其本翼侍班引

見記名人員另行開單一併進

呈至開列滿洲副都統內有滿洲補授漢軍副都統  
職名即將應放漢軍副都統之本翼漢軍侍郎按  
旗開列本翼漢軍叅領每旗將印房叅領開列一  
員俸深叅領開列一員

蒙古副都統缺出由本翼署理副都統蒙古侍郎  
按旗開列再將一等侍衛同軍政卓異人員開列  
在前續將本翼翼尉叅領等官每旗開列十員其  
所開十員內先將步軍翼翼尉前鋒營隨同辦事前

鋒叅領火器營翼長營總護軍營隨同辦事護軍  
叅領健銳營翼長

圓明園營總隨同辦事護軍叅領嚮導處隨同辦事  
前鋒叅領護軍叅領滿洲蒙古印房叅領內務府  
護軍統領不論俸次通行開列續將王府長史前  
鋒叅領護軍叅領驍騎叅領烏鎗護軍叅領察哈  
爾總管健銳營前鋒叅領

圓明園護軍叅領論俸開列每旗各足十員之數至

滿洲蒙古補授外省總兵官按旗開列於後以上  
應開人員俱於本內開列另將本翼滿洲蒙古散  
秩大臣公侯伯子男冠軍使前鋒叅領護軍叅領  
驍騎叅領烏鎗護軍叅領健銳營前鋒叅領

圓明園護軍叅領王府長史一等護衛按旗挨次通  
行繕摺隨本進

呈再將遵

旨引

見記名之應陞本旗副都統人員開單進

呈其本翼侍班引

見記名人員另行開單一併進

呈

漢軍副都統缺出由本翼署理副都統漢軍侍郎  
按旗開列再將一等侍衛軍政卓異人員開列在  
前續將本翼翼尉叅領等官每旗開列十員其所  
開十員內先將步軍翼翼尉前鋒營隨同辦事前鋒

叅領火器營翼長營總護軍營隨同辦事護軍叅  
領健銳營翼長

圓明園營總隨同辦事護軍叅領嚮導處隨同辦事  
前鋒叅領護軍叅領滿洲漢軍印房叅領內務府  
護軍統領不論俸次通行開列續將王府長史前  
鋒叅領護軍叅領驍騎叅領烏鎗護軍叅領健銳  
營前鋒叅領

圓明園護軍叅領論俸開列每旗各足十員之數至



滿洲漢軍補授外省總兵官按旗開列於後以上  
應開人員俱於本內開列另將本翼滿洲漢軍散  
秩大臣公侯伯子男冠軍使前鋒叅領護軍叅領  
驍騎叅領烏鎗護軍叅領健銳營前鋒叅領

圓明園護軍叅領王府長史一等護衛按旗挨次通  
行繕摺隨本進

呈再將遵

旨引

見記名之應陞本旗副都統人員開單進

呈其侍班引

見記名人員另行開單一併進

呈

補放火器營大臣

火器營大臣缺出將領侍衛內大臣前鋒統領護  
軍統領滿洲蒙古都統副都統滿洲蒙古補授漢  
軍都統副都統職名開列具題兼管

補放嚮導大臣

嚮導大臣缺出由前鋒統領護軍統領滿洲蒙古  
副都統滿洲補授漢軍副都統職名繕寫綠頭牌  
具奏恭候

欽點一員補放

論翼調補

副都統以上旗下大臣缺出不必越翼在本翼內  
不論旗分互相調補其左翼人現任右翼右翼人

現任左翼者遇有本翼缺出將旗分註明開列題請調補

協領不准兼管本旗佐領

乾隆四十三年五月奉

上諭福州將軍永德等奏稱協領兼管佐領者請照京師叅領不得管轄本甲喇另調別甲喇之例調翼兼管等語永德等此奏是外省協領若兼管本旗佐領是伊所辦事務仍係伊自行主掌完結雖有不合無

人更正若令各翼各旗更調兼管遇有不合之處經協領指駁更正多一層稽察於公事大有裨益著照所請行仍通行各省駐防嗣後協領兼管佐領務須各翼各旗更調不得兼管本旗佐領再京師八旗叅領內有管本甲喇佐領者亦應更調著交八旗將現管本甲喇者即行調補別甲喇著永遠為例欽此

署理都統等官

都統前鋒統領護軍統領步軍統領副都統缺出

如本缺有署理之人一體開列詳註如所署之人係不應列名者仍於本內聲明具題

署理副都統官員開列副都統

副都統缺出如本翼現有署理副都統之員即將署理副都統職名開列於前其應陞人員職名仍照例開列具題

駐藏辦事大臣不准開缺

乾隆三十一年五月奉

上諭嗣後駐藏辦事大臣俱著開缺欽此

五十一年九月奉

上諭凡遣往新疆大臣等既不開其本身京缺嗣後駐藏辦事大臣亦著不必開缺欽此

都統出差奏請署理

都統奉差在半月以內者如本旗現有副都統即令副都統署理在半月以外者兵部奏請派員署理如一旗都統副都統俱經奉差雖在半月以內

兵部仍行奏請派員署理其半月內外日期奉差之都統於起身前報明兵部

前鋒統領護軍統領出差奏請署理

前鋒統領護軍統領遇有奉差事故其印信兵部將前鋒統領護軍統領滿洲蒙古副都統滿洲蒙古補授漢軍副都統職名繕寫綠頭牌進

呈恭候

欽點署理



副都統出差奏請署理

乾隆二十一年十月奉

上諭向來奉差都統印信雖有署理之條而副都統奉差其員缺如何署理之處並無成例辦事殊未畫一即如一旗副都統二員俱經奉差本旗僅餘一人承辦一旗事務勢必不能周遍其副都統員缺理應派員署理嗣後八旗內一旗副都統二員若俱經奉差該部將一旗三員俱行在京之副都統職名併保舉

副都統人員職名開單請旨署理此係專指一旗大臣三員內有二員俱奉遠差不得遽行回京者而言若係隨圍及奉差在一二月之內即可回京者均非遠差其副都統員缺毋庸奏請署理將此永著為例  
欽此

京口寧古塔三姓副都統公出委員署印

京口副都統遇有公出事故其印務令江寧副都統前往署理

吉林所屬各副都統內寧古塔副都統三姓副都  
統員缺緊要遇有進京等事該將軍將事簡之副  
都統派出一員前往署理其餘各副都統公出仍  
照例令本處協領署理

大臣出征員缺擬補

在京出征大臣員缺開列具題請

旨補授俟凱旋之日將出征大臣回京情由并其缺另  
補有人之處兵部奏

聞

署理外省大臣員缺奏請開列

旗下大臣署理外省大臣事務員缺兵部將應否  
另行開列補放之處請

旨遵行

尚書侍郎兼都統副都統

都統副都統補授尚書侍郎者應否仍令兼攝都  
統副都統之處兵部繕摺請

旨

開列察哈爾都統

察哈爾都統缺出由前鋒統領護軍統領滿洲蒙古副都統滿洲蒙古補授漢軍副都統滿洲蒙古補授外省提督職名開列具題

開列駐防將軍

各省將軍缺出由八旗滿洲蒙古副都統滿洲補授漢軍副都統及本處滿洲副都統滿洲補授外

省提督職名開列具題其廣州將軍缺出由內外  
滿洲蒙古漢軍副都統滿洲蒙古漢軍補授外省  
提督論俸開列具題

開列駐防滿洲副都統

駐防滿洲副都統缺出由滿洲驍騎叅領本處協  
領各處城守尉三品總管滿洲補授外省總兵官  
按翼論俸開列十員具題另將在京滿洲蒙古現  
任副都統職名併各處滿洲蒙古記名協領城守

尉三品總管等職名按翼繕寫二摺隨本進

呈至西安副都統缺出將滿洲蒙古漢軍應陞人員  
一體開列

開列歸化城副都統

歸化城副都統缺出由在京

上三旗滿洲前鋒叅領護軍叅領驍騎叅領職名開

列具題

開列駐防漢軍副都統

駐防漢軍副都統缺出由漢軍叅領外省漢軍協領黑龍江管船礮水手總管按翼論俸開列十員外省總兵官職名一併開列具題另將在京漢軍現任副都統職名併各處漢軍記名協領總管等按翼繕寫二摺隨本進

呈

吉林烏鎗營官員陞補

吉林烏鎗營叅領新漢軍八佐領舊漢軍一佐領



缺出俱毋庸由京補放叅領缺出於新舊漢軍佐領內論其勞績能管轄者通行揀選擬定正陪送京帶領引

見補放舊漢軍一佐領缺出於新舊漢軍驍騎校內論其勞績通行揀選擬定正陪送京補放新漢軍八佐領缺出於新舊漢軍驍騎校內論翼揀選擬定正陪送京補放如實不得人咨部由京揀選人員補放至所屬各城漢軍人等如有奮勉戎行者亦

准其歸入吉林新舊漢軍內一體揀選論翼補用  
駐防副都統署理將軍印務

乾隆二十二年五月奉

上諭各省將軍等遇有陞遷調補及緣事離任其本城  
副都統內有在任年深者即令署理將軍印務如到  
任年分相同無可區別者仍著論翼署理將此永著  
為例欽此

駐防記名人員分別坐補

駐防協領佐領防禦缺出該將軍都統副都統將  
應陞人員揀選擬定正陪送部轉咨該旗帶領引  
見擬陪之員若奉

旨記名者回本處後遇有佐領防禦缺出即行坐補隨  
時咨報部旗仍於年底彙奏至以協領記名之員  
於應行坐補時驗無年力衰老行走改變等項事  
故方准專摺

奏補倘平日不行察核致將年力衰老行走遜前之

員坐補將該管大臣查議

張家口蒙古協領一缺獨石口千家店左右兩翼  
防禦各二缺昌平州防禦二缺山海關所屬左翼  
正白旗蒙古防禦一缺右翼四旗防守禦佐領防  
禦各一缺附京駐防之寶坻良鄉固安采育東安  
霸州雄縣等處防禦各二缺并河南駐防蒙古佐  
領防禦各缺應陞人員不敷擬陪缺出時該管大  
臣將應陞之人保送該旗帶領引

見補放如所送之人不堪陞用即由該旗具奏於在京  
應陞人員內另行揀選帶領引

見補放

張家口八旗蒙古官員缺出本翼如有堪以錄用  
之員仍由本翼揀選如不得其人即毋庸論翼通  
行揀選保送補放

奏派值年大臣

奏派值年大臣兵部將八旗都統副都統等職名

全行開列繕寫綠頭牌進

呈恭候

欽點數員管理如遇調補外省以及奉差隨

圍等事值年旗報明兵部奏請

派員署理

派查京倉大臣

在京各倉派都統副都統稽察三年期滿更換其  
陸續奏派接任之員未及二年為日甚淺者毋庸

更換外如已過二年者當更換之時亦一體更換  
屆期兵部將已經查倉之大臣毋庸開列外其餘  
都統副都統職名開列具奏恭候

欽點掣籤管理至查倉大臣遇有奉差患病服制等事  
在三月以內者其該倉事宜即交該倉御史專司  
稽察如該倉御史亦有奉差等事或都統等奉差  
在三月以外者兵部奏請派員署理

補用記名人員

奉

旨記名人員內如係三品官員遇外省城守尉總管缺  
出由值年旗補放者值年旗帶領引

見由該旗補放者該旗帶領引

見如係四品以下官員并前鋒校護軍校驍騎校內該  
旗查係軍政卓異或軍前効力年深者按照伊等  
品級於應陞缺出即行指名奏

聞補放如記名人員內雖未在軍前効力又無軍政卓



異者遇應陞缺出仍將記名之人擬正將軍政卓  
異之人擬陪次將軍前効力年深之人一併列名  
帶領引

見若無軍政卓異之人即將軍前効力年深之人擬陪  
至此項記名人員如遇調補陞遷後即將從前記  
名之處註銷如陞任後復於新任內記名於應陞  
缺出時仍照從前記名之例辦理

滿洲蒙古副都統缺出將奉

旨記名人員另繕清摺與題本一併進

呈此項開列人員內先將卓異及隨同辦事之前鋒  
叅領火器營翼長隨同辦事烏鎗營總隨同辦事  
護軍叅領健銳營翼長

圓明園隨同辦事營總閒散營總隨同辦事護軍叅  
領嚮導處隨同辦事前鋒叅領護軍叅領都統印  
房辦事之驍騎叅領一等侍衛冠軍使王府長史  
等官開列於前閒散行走之前鋒叅領等官論俸

開列於後至漢軍副都統缺出將記名之漢軍叅  
領亦一併開列外省本翼副都統缺出亦照此例  
行如係八旗公缺按翼開列其餘公侯伯子男及  
一等護衛等官有因兼副叅領佐領與印房行走  
引

見記名者祇於隨摺內開列將記名之處註明不必帶  
領引

見

陞用軍營人員

出征旗員如遇本旗本處有應行揀選缺出該管大臣一體揀選陞用至副都統以上缺出例應開列請

旨補放者兵部將出征得有功牌人員另繕夾單進呈恭候

欽簡

總管叅領論俸開列

副都統缺出應行開列之察哈爾總管由叅領陞授者連前叅領俸併算其由別項陞授者止論總管俸至前鋒叅領護軍叅領內由驍騎叅領補授者列名時止論現任俸次不准通理前俸其王府長史由叅領補授者亦照此例行

補放內外叅領以下等官

副都統以上大臣由兵部具題補放

陵寢總管翼長信礮總管

興京復州秀巖鳳凰城開原遼陽南金州呼蘭河南  
右衛莊浪各處城守尉

盛京所屬協領防守尉寧夏蒙古協領黑龍江管船  
礮水手總管吉林黑龍江管水手官羅文峪防禦  
由值年旗引

見補放

盛京所屬城守尉以宗室等揀選帶領引

見補放外其在京驍騎叅領以下官員在外協領叅領

城守尉總管防守尉以下官員該旗引

見補放前鋒叅領以下官員由前鋒統領引

見補放護軍叅領以下官員由該旗護軍統領會同本  
翼護軍統領揀選引

見補放步軍協尉副尉城門領等官由步軍統領揀選  
引

見補放滿洲火器營

圓明園健銳營官員由該營大臣揀選引

見補放均咨明兵部註冊至外省駐防將記名領催等坐補驍騎校并改武倉官臺站官筆帖式等官改補驍騎校俱於歲底彙報該旗轉咨值年旗具奏

駐防協領等官期滿送部引

見

各省駐防協領齊齊哈爾水師營總管吉林黑龍江等處火器營叅領察哈爾總管并由京補放之察哈爾叅領等六年任滿並無事故者各該將軍



大臣等秉公考察出具考語咨送赴部兵部再加  
考驗帶領引

見恭候

欽定記名遇有應行開列陞用之處除將俸深之員照  
例開列外將記名之員另行繕摺隨本進

呈至伊犁滿洲營協領察哈爾等部落總管六年期  
滿果有勲勞人去得者令其引

見其平等稱職者毋庸送部引

見

各省協領并察哈爾總管年滿引

見後如未經陞用者再遇六年期滿該將軍都統副都統等詳加驗看出具考語送部帶領引

見恭候

欽定其記名之員遇有外省副都統缺出按翼繕摺隨

本進

呈

各省協領若於軍政案內卓異引

見其年滿時毋庸送部即以卓異引

見之日起扣滿六年再行送部引

見

伊犁等處記名協領距京寫遠於內地駐防副都  
統缺出毋庸開列遇烏魯木齊古城巴里坤三處  
副都統缺出於開列本內列於應陞人員之前進  
呈請補至伊犁所屬錫伯索倫等處部落總管缺出

該將軍將記名協領與該部落應陞之副總管等一體揀選奏請調補該協領調補後仍准其於烏魯木齊等處副都統陞缺列名

伊犁協領二次俸滿送京引

見

乾隆四十三年五月奉

上諭據伊勒圖等奏稱協領明善六年期滿看來僅能稱職不副皇上選用請俾其照原奏之例咨送引見

等語各省協領六年期滿送京引見特為伊等果屬  
才能朕即加恩錄用其衰老不能得力者亦斷不姑  
容伊犁雖云路遠協領等均係大員若竟不送京引  
見則才能者不獲邀恩而衰老者反得素餐於公事  
大無裨益是定例尚未允協且伊等往還俱係馳驛  
一無所費嗣後伊犁協領即或不副選用亦惟初滿  
六年者准免送京至二次期滿則已踰十二年矣著  
該將軍出具考語送京引見著為定例遵行欽此

駐防記名領催等坐補驍騎校

駐防驍騎校及察哈爾護軍校驍騎校缺出該將軍都統副都統等於領催前鋒護軍恩騎尉內揀選擬定正陪送部轉咨該旗帶領引

見如將擬正之人補授其擬陪之人奉

旨記名後發回本處遇有驍騎校護軍校缺出坐補其記名人員內倘有改易前操者咨部註銷

記名領催前鋒護軍恩騎尉等坐補驍騎校護軍

校該將軍都統副都統等將一年之內坐補人數若干於歲底彙報該旗轉咨值年旗具奏

盛京等處改武等官陞補驍騎校

盛京等處倉官三年俸滿臺站官及各省駐防平等行走之筆帖式六年俸滿其通曉清漢文義者該將軍等保題聽吏部分別補用外其不通曉清漢文義并不能遷移來京情願守候本處武職者於歷俸年滿後該將軍等出具考語咨送兵部帶領

引

見准其記名後遇有本處本翼驍騎校缺出俟領催等  
用過三缺之後補用一員至筆帖式由兵丁考取  
後仍與該處官兵一體練習騎射如果行走勤慎  
辦事好弓馬嫻熟者三年俸滿遇有應陞驍騎校  
缺出即與領催等一體揀選照保送驍騎校之例  
送京引

見補放此內有曾經出兵効力者仍令該將軍等照舊



酌量與記名領催一體陞用如辦事平常弓馬不堪者於年滿時不准改補武職即行咨部開缺若年滿記名後行走平常即將記名之處咨部註銷黑龍江驛站官由有品級筆帖式補授者授為七品無品級筆帖式補授者授為八品六年期滿時令其離任以驍騎校用

黑龍江屯莊官陞補驍騎校

齊齊哈爾黑龍江默爾根城呼蘭四處地方管屯

莊官內五年期滿通曉滿漢文義者該將軍保題  
聽吏部分別補用外其不通曉滿漢文義并不能  
遷移來京情願守候本處武職者五年期滿後該  
將軍出具考語分別題明其行走勤能管轄者遇  
有本處本翼驍騎校缺出與記名領催相間補用  
其尋常供職者俟領催用過驍騎校三缺之後將  
年滿管屯莊官補用一員

綏遠城換防兵丁陞補驍騎校

綏遠城派往烏里雅蘇臺科布多等處換防兵丁  
內有挑補額外筆帖式期滿不識漢字愿以驍騎  
校補用者回營後毋庸計缺坐補俟驍騎校缺出  
與應陞之人一同通行揀選補放

補放驍騎校領咨赴部遲延

各省駐防補放驍騎校等官領咨赴部如有觀望  
遷延希圖王大臣驗放規避引

見者即行叅處

補放王等屬員

王府長史缺出於上三旗一等侍衛冠軍使前鋒  
叅領護軍叅領驍騎叅領佐領子男輕車都尉騎  
都尉內保送該旗大臣每旗揀選二員咨送兵部  
會同領侍衛內大臣揀選正陪帶領引

見補放

司儀長缺出於上三旗二等侍衛雲麾使前鋒侍  
衛副護軍叅領副驍騎叅領佐領輕車都尉騎都

尉內保送該旗大臣每旗揀選二員咨送兵部會同領侍衛內大臣揀選正陪帶領引

見補放

一等二等三等護衛及四品五品六品七品八品典儀缺出除佐領輕車都尉以上世職官員不准補放外由該旗王貝勒貝子公等於所屬應陞人員內按其行走勞績年分淺深揀選擬定正陪咨部五品以上員缺兵部會同該王等帶領引

見補放六品以下員缺照咨補放其擬正人員若行走  
年分較擬陪之人淺至五年以外者兵部即行駁  
回如應陞品級人員內一時揀選不得其人將越  
銜一等人員擬定正陪咨部補放不得越銜二等  
其新封之王貝勒貝子公等實無可補放護衛典  
儀之人將情由聲明再將無職人等擬定正陪咨  
部補放至六七八品典儀及親軍校護軍校等缺  
如將革職廢員保送補放查明實係因公革職方

准保送如犯軍流獲罪貪婪不法及一應私罪曾經斷罪者俱不准違例保送

散騎郎缺出除佐領不准補放外由該旗王等將所屬子爵以下雲騎尉以上官員揀選送部帶領引

見補放

王等屬員分別題咨

王等所屬長史司儀長護衛五品典儀以上等官

如有過犯應行斥革者該王等據實叅奏交兵部  
查議入於半月彙題其六品以下各官如有應行  
斥革者咨明兵部革退

王等屬員分別挑補

王等所屬護衛等官出缺定以四年為限第五年  
奏請挑補一次長史司儀長遇有缺出即行揀選  
帶領引

見補放



王等年幼未經承襲以前護衛官員停放

王貝勒貝子公等年幼尚未承襲其所屬護衛典儀散騎郎缺出俾其補放統俟承襲後辦理至長史司儀長包衣叅領佐領驍騎校護軍校親軍校缺出仍照例補放

王等屬員病痊起用

王貝勒貝子公屬下護衛典儀親軍校護軍校等因病解任後經病愈照咨補放毋庸坐補原缺

王等屬員解退後起用

王等屬員因王等薨故解退如曾遇

恩詔受封該旗酌量補用其因王等緣事革退者雖遇  
恩詔受封該旗減等與應補人員揀選擬補該員前任  
內所有加級俱行註銷若未遇

恩詔者俱毋庸議

旗員降調補用不分正從官階

八旗武職各官除應得

封典仍照官階品級分別正從辦理外至八旗官員如應降調補用各按滿洲蒙古漢軍指定應補之缺補用如應降級留任應照所降之級食俸者亦照舊例辦理均毋庸分別正從至

圓明園四品包衣營總內務府五品包衣護軍叅領包衣驍騎叅領包衣副護軍叅領包衣副驍騎叅領左右兩翼六品前鋒校委署前鋒叅領八旗六品護軍校委署護軍叅領係由四品五品六品旗

員賞給三品四品五品虛銜頂帶仍食原級俸餉  
如遇降調各按其原官品級降調補用不得照虛  
銜核算

降調人員補用

一品領侍衛內大臣內大臣都統將軍降一級調  
用者以京外副都統擬補降二級調用者係滿洲  
人員以

陵寢總管步軍翼尉城守尉協領前鋒叅領護軍叅領驍

騎叅領擬補係蒙古人員以察哈爾總管協領前  
鋒叅領護軍叅領驍騎叅領擬補係漢軍人員以  
在京叅領在外協領擬補降三級調用者係滿洲  
人員以

陵寢副總管信礮總管前鋒侍衛副護軍叅領副驍騎叅  
領佐領步軍協尉城門領防守尉擬補係蒙古人  
員以前鋒侍衛副護軍叅領副驍騎叅領佐領步  
軍協尉城門領擬補係漢軍人員以在京副叅領

佐領步軍協尉城門領在外叅領佐領擬補降四級調用者係滿洲漢軍人員以監守信礮官步軍副尉外省防禦擬補係蒙古人員以步軍副尉外省防禦擬補其二品前鋒統領護軍統領步軍統領鑾儀使副都統散秩大臣降一級二級三級調用者與一品大臣等降二級三級四級調用之例同以上缺出時俱令該衙門查明降調人員係開列具題之缺聲明降調情由開列於應陞人員之

後一併具題係引

見補放之缺聲明降調情由列名於應陞人員之後一

併帶領引

見恭候

欽定至領侍衛內大臣內大臣都統將軍降五級調用  
前鋒統領護軍統領步軍統領鑾儀使副都統散  
秩大臣降四級調用者免其補用前鋒校護軍校  
驍騎校等微員除該員原有世職者仍在世職上

隨旗行走外其無世職者帶所降之級隨旗行走  
俟滿三年果能勤慎無過該旗都統副都統等出  
具考語帶領引

見請

旨將降五級調用之一品大臣准其照降四級調用之  
例擬補將降四級調用之二品大臣准其照降三  
級調用之例擬補至該員降級之數再有多者無  
缺可補停其補用



在京三品旗員降一級調用者以四品旗員擬補  
降二級調用者以五品旗員擬補降三級調用者  
以六品旗員擬補降四級調用者以七品城門吏  
擬補其在京四品旗員降一級二級三級調用者  
與三品旗員降二級三級四級調用之例同五品  
旗員降一級二級調用者與四品旗員降二級三  
級調用之例同六品旗員降一級調用者與五品  
旗員降二級調用之例同統俟缺出時該衙門查

明降調人員聲明降調情由列名於應陞人員之後一併帶領引

見如引

見一次二次三次未經補用俟於第四次應補缺出該衙門聲明引

見次數未經補用情由出具考語具奏列名於應陞人員之後帶領引

見恭候

欽定此等降調旗員如引

見未補俟過半年後遇有應補缺出始准列名未逾半年者雖有缺出不准列名至三品旗員降至五級以下調用四品旗員降至四級以下調用五品旗員降至三級以下調用者無缺可補停其補用若身有世職者仍在世職上隨旗行走

各省駐防將軍都統副都統所轄三品旗員降一級調用者遇有本處駐防四品官缺出擬補降二

級調用者遇有本處駐防五品官缺出擬補降三級調用者遇有本處駐防六品官缺出擬補其駐防四品旗員降一級二級調用者與駐防三品旗員降二級三級調用之例同駐防五品旗員降一級調用者與駐防四品旗員降二級調用之例同此等駐防降調人員該將軍都統副都統俟咨送應陞人員引

見時將降調人員聲明降調緣由一併咨送該旗列名

於應陞人員之後帶領引

見其廣東福建四川甘肅等遠省降調旗員引

見一次未補俟過半年後遇有缺出該將軍等聲明未補情由出具考語具奏與應陞人員一併咨送該旗列名於應陞人員之後帶領引

見恭候

欽定近省降調旗員引

見一次未補俟過半年後遇有缺出仍照初次咨送該

旗帶領引

見如未經補用俟再過半年後遇有缺出該將軍等聲  
明未補情由出具考語具奏與應陞人員一併咨  
送該旗列名於應陞人員之後帶領引

見恭候

欽定其總管城守尉防守尉及所屬各員降級調用者  
俱令回旗俟該旗出有各處總管城守尉防守尉  
所屬員缺由該旗都統副都統等查其所降之級

與補用之缺相符聲明降調情由列名於應陞人員之後一併帶領引

見如未經補用亦照在京降調旗員之例俟第四次缺出聲明未經補用情由出具考語具奏列名於應陞人員之後帶領引

見恭候

欽定至駐防三品旗員降至四級以下調用四品旗員降至三級以下調用五品旗員降至二級以下調

用者在外無缺可補停其補用若身有世職仍在世職上隨該處行走如係由京補放之員降至七品在外無缺可補情願來京者准其以七品城門吏擬補

駐防旗員降級應補驍騎校者不論省分遠近該將軍等俟咨送應補人員時聲明降調情由一併咨送該旗列名於正陪人員之後帶領引

見如未經補用俟第二次驍騎校缺出將擬陪記名之



人坐補後至第三次缺出再行聲明未補情由咨送該旗列名於正陪人員之後帶領引

見恭候錄用

在京降調旗員引

見四次未經補放者停其再行引

見駐防降調旗員遠省引

見二次近省引

見三次未經補放者停其再行來京引

見俱按所降之級令其原品休致其駐防降調以驍騎校用者至第三次引

見未蒙補放亦即照所降之級令其休致

鑒儀衛官員降級調用者以冠軍使雲麾使治儀正整儀尉按等遞降俟缺出時該衛查其所降之級與補用之缺相符將降調人員聲明降調情由列名於應陞人員之後一併帶領引

見恭候

欽定

王等所屬長史司儀長典儀等官降級調用者典儀有四品五品六品七品八品不同該王等照所降之級咨部擬補長史司儀長降級調用者該王等以護衛之缺按品遞降咨部擬補以上降調各員如降至無可遞降者俱行革職不得援照微員無級可降革職留任之例辦理

侍衛護衛降級

一等侍衛降一級調用授為二等侍衛二等侍衛降一級調用授為三等侍衛三等侍衛降一級調用授為四等侍衛四等侍衛降一級調用授為藍翎侍衛藍翎侍衛降一級調用者革職王等所屬一等護衛遇降一級調用授為二等護衛二等護衛遇降一級調用授為三等護衛三等護衛無級可降遇降一級調用者革職

察哈爾降調人員補用

察哈爾三品旗員降二級調用四品旗員降一級  
調用者遇有六品官缺出准其列名於正陪人員  
之後帶領引

見恭候

欽定

患病開缺

內外旗員患病該管大臣委員確驗酌量給以假  
期總不得過六個月之限如六個月仍未痊愈有

職任者開缺如係世職將俸祿停止俟病痊之日  
有世職者具呈該旗都統隨旗當差行走自當差  
之日起支俸無世職者俱候缺補用其內外世職  
官因病告假如過六個月之限仍照例停俸如停  
俸至一年之後調養未愈不能當差令該管大臣  
查驗實在情形如果殘廢即應開缺將應襲之人  
另請承襲如無應襲之人該管大臣奏明請

旨辦理至額外食俸官員亦照此例定限如逾限不痊

者即行停俸俟病痊之日仍在原衙門行走倘無疾捏稱有疾呈報者將本官降一級調用驗看官罰俸一年出咨之該管官罰俸六個月

陵寢官員子弟襲住

在

陵上居住章京之子弟仍遵

旨准其襲住如額數看守章京之外不准令其居住係隨章京一同居住之子弟方准令其襲住如不係隨

去同住之子弟不准襲住

八旗襲職外省人等詢問愿否來京

乾隆四十二年十月奉

上諭八旗承襲佐領世職如有分應承襲之人在外省者向俱調取來京引見嗣朕降旨有似此者著具奏請旨後再行調取但此內不無在駐防地方立有產業不愿來京者著交八旗都統等嗣後凡承襲佐領世職其有分應具奏調取之人行文各該處大臣詢



問本人如情願來者即調取來京帶領引見其不情愿者不必咨送著為令欽此

### 旗員廕監

旗員廕監必以嫡長子如無嫡長子或雖有子而患病殘廢及有別項職事則廕嫡長孫如無嫡長孫則廕次子及次孫如無次子次孫則廕親兄弟及親兄弟子孫如無親兄弟及親兄弟子孫則廕伯叔所生兄弟及子孫俱以次承廕凡恭遇

恩詔兵部題明行文各該管官轉行應廕官員取具承廕之人年齒姓名文冊并親供印結一樣二套送部內有不能以次承廕者將情由聲明報部亦准承廕但不得將例載不應承襲之人混請承襲

詔後所生之子孫不准承廕若本官遇

詔曾經送子入監讀書後經陞任又遇

恩詔欲改為廕生者如未出仕監生仍准與改廕生其

先送監生原缺聽本官另送別子至本官遇

恩詔廕子後因本身緣事革職其所廕之子未出仕者  
停止已出仕者不必停止若猶稍剩微末職銜并  
有世職者先經所廕廕生監生不必停止若廕生  
監生未仕而故及患病殘廢者仍令補廕若補廕  
之後又故及患病殘廢者不准再補若既經准廕  
後得官職及中科目者俱不准補廕

詔後所生之子孫亦不准補廕至革職官後經還原職  
者仍准還廕其革職後另行起用之官不論文武

銜缺如起用時品秩相當及在原品以上者俱准  
還廕如革職官後經開復例止降級調用者亦准  
還廕凡還廕時如原廕有人別無事故仍給還原  
廕之人外如退廕之人殘廢病故或別經出仕中  
式者准其將

詔前所生之子孫復還原廕

詔後所生之子孫亦不准混請還廕其承繼之子孫分  
別

詔前

詔後准廕不准廕之處亦與所生之子孫同凡廕生監生必開明事故呈送到部若送廕之人有從前緣事例應永不叙用者不准廕監其叛逆牽連革職之員及雖係族中子弟隸於民籍併撫養民間之子弟不准廕監年老有病原品解任食全俸官員仍照伊原品准其廕監其子爵子廕照三品例改補旗員者作為七品監生男爵子廕照四品例改

補旗員者作為八品監生該員等所得廕生監生十五歲以上者送國子監讀書二十歲以上者咨送吏部照例辦理有情愿俱呈在武職上行走者照伊所得品級廕生隨旗行走至改補旗員隨旗行走之廕監生如果行走好者遇有應陞缺出與應用人員一體揀選補放遊牧地方廕生有情愿做武官者各照品級食俸其外省大臣官員廕生監生內有情愿在家讀書者該衙門奏

聞仍報明該部註冊凡補廕時俱照承廕之例兵部題明給與

盛京等處廕生准在本處行走

盛京黑龍江吉林及遊牧地方廕生俱係生長本處此數處廕生除情愿來京隨旗行走外如有願在本處當差行走者准其本處隨旗當差行走仍令該管各官照所屬官員例一體管轄稽察其餘各省駐防廕生概不得援照此例


額駙之子授以品級

乾隆四十年正月奉

上諭尚主額駙等俱按公主品級授為固倫額駙和碩額駙惟公主所生之子向未定有給與品級之例其下嫁蒙古王公之公主等所生之子本各有應得品級毋庸另辦外但在京公主所生之子若不授以品級於體制未協嗣後在京公主所生之子年至十三歲時如係固倫公主所生即給與伊父固倫額駙品



級和碩公主所生即給與伊父和碩額駙品級現在  
豐仲濟倫年已及十三即著給與伊父福隆安和碩  
額駙品級著為令欽此



欽定八旗通志卷五十二